

سنة لکي در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

قانون اساسی

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

طرابلس غرب ولایتی استیفاف محکمه سی جزا
دائرة سی رئیس و صفی افندیکن خسته لکندنطولای
وقوعبولان اعتذارینه منی عزایله ذکراولنسان ریاسته
در سعادت استیفاف محکمه سی اعضا سندن سعادتلو
نعمه اه افندیکن تعیینی خصوصه بالاستیدان اراده
سنه حضرت خلافتیناهی شرفتملق بیورلمش و مشارالیه
ذاتاً محلف بولمشدر.

عدلیه نظارت جلیله سی مکتوبی قلمی کتبه سندن
رفتلو علی معمر بکه رتبه ثالثه توجیه بیورلمشدر.

تبلیغات

«۴۶۴» نومرو لی نسخه ده مندرج تمغا قانونندن
مابعد:

فصل رابع

رسومک صورت تأدیسی

قسم اول — رسم تمغا پوللری

یکرمی سکرنجی ماده تابع اولدقلری تمغا
رسمک صور سائر ایله ایفاسنه اشبو قانونده مساغ
کوستریلانلردن ماعدا هر نوع اوراق وسندات
واعلانک ایفای رسمی ایچون نمونه لری مربوط
رسم تمغا پوللری استعمال اولنور. تمغا رسمک
مقدارینه معادل اولمق اوزره اقتضا ایدن نوعدن
متعدد پول الصاقی جائزدر.

رسم مقطوعه تابع اولانلرک تمغا رسمی رسم
مقطوع پوللرینک و رسم نسبی به تابع اولانلرک تمغا
رسمی رسم نسبی پوللرینک الصاقیه تأدییه اولنور.
یکرمی طقوزنجی ماده پوللر اوراق وسنداتک
حین تنظیمنده الصاق ایدیلرک و اشبو قانونه مربوط
نمونه لری وجهله تاریخ و مهر ایل و یاخود تاریخ و امضا

ایله ابطال اولنه جقدر. تاریخ و مهرک و یا تاریخ
وامضاتک برر قسمی اوراق وسنداتک و دیگر قسملری
پوللرک اوزرینه وضع ایدیلرک جقدر.

اوراق وسنداته متعدد پول الصاق اولنور ایسه
پوللر یکدیگرندن آیری اوله رق یا بشدیله جق و فقط
بر ایکی پول بر تاریخ و بر مهر و یاخود بر تاریخ و بر
امضا ایل ابطال اولنه بیلر جقدر.

شرکتلر و بانقه و تجارتخانه لریجه تنظیم ایدیلرک
اوراق وسندات اوزرینه الصاقی لازم کلان پوللر
بوللرده مستعمل تاریخی امضا تمغالیله ابطال ایدیلر.
بیلور. امضا تمغاسی یا لکزی اسمی محتوی ایسه پول
اوزرینه آریجه تاریخ دخی وضع اولنور.

اوتوزنجی ماده ممالک اجنبیه دن و یاخود ممالک
شاهانه ک اشبو قانون احکامی جاری اولمیان محملرندن
کلان اوراق وسنداته الصاقی لازم کلان پوللرک التنجی
واون ایکنجی ماده لر موجبجه تمغا رسمی ایفایه
مجبور اولانلر طرفندن یکرمی طقوزنجی ماده احکامنه
توفیقاً وضع و ابطال ایدیلرک جقدر.

قسم ثانی — فوق العاده تمغا

اوتوز برنجی ماده آئیده تعداد اولنان اوراق
وسندات و اعلانک تمغا رسمی پول یرینه فوق العاده
تمغا وضعی صورتیه دخی ایفا اولنه بیلور.

- ۱ — مقبوض و ابرا سندلری.
- ۲ — چکر و حین ابرازنده تأدییه سی مشروط
اولان پولیچلر.
- ۳ — بورسه و تجارت بوردرولری.
- ۴ — فاطوره لر.
- ۵ — حساب پوصله لری و حساب جاری ورقه
و جزو دانلری.

- ۶ — دیپوزیتو علم و خبرلری و صندوق بونولری.
- ۷ — هر نوع نقلیه دایر اولان اوراق.
- ۸ — بالو و قونسر و تیارو بیللری.
- ۹ — رسم مقطوع تعرفه سنک فرق طقوزنجی
نومرو سنده محرر سیفورطه آوانلری.
- ۱۰ — هر نوع اعلان ورقه لری.

۱۱ — رسم مقطوع تعرفه سنک اوتوز دردنجی
نومرو سنده محرر دفاتر.

۱۲ — بیک غروشدر یوقاری تمغا رسمنه تابع
اوراق وسندات.

اوتوز ایکنجی ماده فوق العاده تمغا ۵، ۲، ۵، ۱۰
و ۲۰ پاره لق ایچون قرمز و یکرمی پاره لقندن
یوقاریسی ایچون مائی رنکده اوله جقدر.

فوق العاده تمغا وضع اولنه جق اوراقک رسمی
پیشین اوله رق استیفا و یوزده بشی تنزیل ایدیلور.

فوق العاده تمغا وضعی ایچون وقوع بوله جق
استدعا دیون عمومیه واردات مخصوصه اداره مرکزیه سی
طرفندن مجازاً و بریلان بوردرولره تحریر و رسم
مقطوع تعرفه سنک یوز بدنجی نومروسی وجهله پول
الصاق ایدیلرک اداره به اعطا قلنور.

اوتوز اوچنجی ماده سیفورطه شرکتلری
طرفندن منجی ماده ده محرر شرائط دائره سنده
ایضا اولنه تمغا رسمک تأدییه سی سیفورطه
مقاوله نامه لری و اور نمائیه (شرکت طرفندن
تمغا رسمی تسویه اولمده) عباره سنی حاوی دیون
عمومیه اداره مرکزیه سی بویالی و مخصوص بر تمغا
ایله اشارت ایدیلور.

یکرمی بر و یکرمی ایکنجی ماده لرده محرر اولان
حصه سنداتی ایله تحویلات کرک ممالک شاهانه ده
کرک ممالک اجنبیه ده اخراج ایدلمش بولنسون بونلرک
تابع اولدینجی تمغا رسمی پول الصاق ایدیلرک دیون
عمومیه اداره مرکزیه سیجه مقبوض اعطاسی و یا
فوق العاده تمغا وضعی صورتیه استیفا اولنور.

رسم مزبور مقبوض اعطاسی صورتیه استیفا
ایدلرکی تقدیرده کیفیت استیفا در سعادتده نشر اولنان
غزیه لرله اداره مذکوره طرفندن اعلان ایدیلرک جقدر.
یکرمی التنجی ماده موجبجه آلمسی لازم کلان
تمغا رسمی فوق العاده تمغا وضعی صورتیه دخی
استیفا ایدیلرک بیلور.

قسم ثالث — اعلاناته مخصوص احکام
اوتوز دردنجی ماده رسم سنوی به تابع اولمیان

اعلانل یارسم تمغا بولی حاوی اولور ویاخود دیون عمومی واردات مخصوصه اداره مرکزی سی طرفندن تمغالور . پول الصاق ایله چک اولور ایسه پوللر یکریمی طقوزنجی ماده موجبجه وضع اولنهرق یا ماده مذکوره احکامنه توفیقاً ویاخود متن اعلانک پول اوزرینه طبیی صورتیه ابطال ایدیلور .

اوتوز بشنجی ماده رسم سنوی به تابع طوتیلان اعلاننامهلر مواقع عمومی به تحریر وتعلیق والصاق صورتیه ویا صور سائر ایه تشهر ایدلزدن اول بولری تشهر ایشدیرنلر دیون عمومی اداره سنه مراجعته رسم معنی ایا ایدجکلردر .

سنه مالیه نك اقتضاسندن صکره محللرنده ایا ایدیلان اعلاننامهلری تشهر ایدیرنلر رسم تمغایی سنه آئییه مالیه ایتداسنده تکرار تأدییه مجبوردرلر .

سنه کسوراتی نام برسنه عد اولور . ورسم من بور یالکر مقبوض اعطایی صورتیه استیفا قلنور . تمغا رسمی تأدییه ایدیلش اولان مذکور اعلاننامهلر برمحلدن دیگر محله نقلی مجدداً رسم استیفاشی ایجاب ایتیوب انحق بولری تشهر ایدیرنلر اولیابده دیون عمومی اداره سنه اعطای معلومات ایله جکلردر . معلومات ویرمدکلری تقدیره یکیدن ایشای رسمه مجبور اوله جکلردر .

(مابعدی وار)

محاکمات قضاوتیه

عنان جاموجه نك قائلرینه معاونت ایدیلکی ادعا اولنشدن دولای جنایتله اتهام اولنان حسین خلیل طوسقنك اوج سنه مدته کورکه قولنسه دأر دراج سنجانجی بدایت محکمه سی جزا دأره سندن ایکنجی دفعه اوله رق اعطا قلنان ۱ نومرولی اعلام محمد موسانك کیفیت قتلندن دولای جنایتله اتهام اولنان شا کر بن علینك اون بش سنه مدته کورکه قولنسه دأر دراج سنجانجی بدایت محکمه سی جزا دأره سندن اعطا قلنان ۲۶۷ نومرولی اعلام عمری قتل قصدیه جرح ایدیلکی ادعا اولنشدن دولای جنایتله اتهام اولنان رژی قولجیسی احمدک درت سنه مدته کورکه قولنسه دأر درسمادت جنایت محکمه سندن ویریلان ۲۸ نومرولی اعلام عربیه جی کاملی قتل ایدیلکی ادعا اولنشدن دولای جنایتله اتهام اولنان شوکت افندیك اون بش سنه مدته کورکه قولنسه دأر درسمادت جنایت محکمه سندن ایکنجی دفعه اوله رق ویریلان ۷۹ طقوز نومرولی اعلام دولت علیه رسومنك استیفا سنه مخصوص مطبوع

وجله اصول محاکات جزائییه قانوننك باب نائینسك فصل رابنده وباب رابنك فصل نائینسده محرراولان معاملات ابتدائییه بعدالایفا منهن مرقوم حسین اوجیوز یکریمی برسنه سی کانونی نائینسك یکریمی سکرنجی کونی علی الاصول توقیفخانه دن کتوردیلرک وکیلی نجباتی افندی ومدعی عمومی معاونلرندن عزتلو بهجت بك ومدعی شخصی لامبو حاضر اولدقلری حاله محاکمه علیه به بالابتدار لازم کلان اختارات قانونیه ایا قلندقدن صکره هیئت اتهامیه مضطه سیله اتهامنامه ضبط کابی صدق افندی جانبندن قرائت اولندی .

مذکور مضطه ده مظنون علیم حسین ومحمد عثمانک اتمکچی لامبونك مسلحاً اوکته جیقه رق معامله جبرو شدت استعمالیه اچسنی اخذ وسرقت ایش اولملرندن دولای اتهاملرینه مستنطق قرار نامه سنده محرر دلائل وامارات کافی کورلش وحرکتساری قانون جزانك التیش ایکنجی ماده سی حکمنی مستلزم افعال جنایتیه دن بولش اولدیفندن جنایتله اتهاملرینه قرار ویریلکی محرر واتهامنامه ده دخی مرقومک قیرلرده مسلح اولدقلری حاله کزهره راست کلدکلری یولجیلری صویقی جنایتک فاعللری اولغله منهن بولندقلری مسطردر .

اتهامنامه نك خلاصه سی جانب ریاستندن مهملرندن حاضر بولنان حسین قنیه تفهیم وتوضیح ومعاون مومی الیه جانبندن دخی دعوانك تشریح اولنسنی معقب مجاوبده مرقوم وقعهیه مصادف اولان کون مجدداً انشا اولنقده اولان کوشکه اوغرا دیفندن وعمله به باره طاغله یفندن ایجری به کیره میوب نربان کوبنه کیتدیکی وقهوه خانه ده منهن محمد ایه کور عنانی کوردیکی وبعده برولیس ماموری کلهرک اوزری نحری به شتاب وکندوسنی اتمکچی لامبونك صولنشدن دولای استجواب ایه اخلامور موقعه واورادنده بولیس مجلسنه کوندردیکی وکندوسنك واقع اولان انکاربه قارشو ضرباً اعتراف جرم ایشدیرکلری بیان وعندالسؤال استنطاقده دوکامش ایشلرده مقدما دوکش اولدقلرندن استنطاقده دخی بوسورته سولیدیکی ومدعی لامبونی ایکی سنه دنبرو طاقنقده اولوب مرقومه اولان یکریمی بش غروش دینی وبره مدیکندن سکا برایش یایام دیش اولمسیله اشو صویق فعلی کندوسنه اسناد ایتدیکی وحالوکه کندوسی صومدیغنی وضرب ماده سیله مدعی شخصینک سوزنی انباندن عاجز ایدوکی اتیان ایلدی .

مدعی شخصی لامبو جاده پوستانی جهتلرنده کی خانلره اتمک توزیع ایدرک بعده اتمائی هفتلق

اوله رق طوبلامقده اولدیفندن سنه حاله تموزینك اون بدنجی کونی دولتو راغب باشا حضرتلرینك کوشکندن چاشمقده اولان عمله ذمتده کی هفتلق اتمک اتمائی بالاستیفا چفته حوضلره کلدیکنده منهن حسین ایه دیگر ایکی رفیقی کورمکه بولری قولی ظن ایدرک یوله دوام اتمکده ایکن مرقومون ترلا ایچندن واجود بکک کوشکی اوکندن صابه رق ودروارلردن اشق صورتیه اوکته کچهرک بولرندن حسینک اللریله کوزنی بردن قیامسی شقایه حل ایش ایشده دیکرلرینک ییاق وصوبا چکلرندن قسالق حس ایه باغریغنی ومرقومون بونازنی صیقه رق ویحاق کوسره رک باغرمسی منع ایتدکن صکره جینده کی باره چالمسی ایه دروننده کی اچنی وساعتی الدقلری وکندوسی بایش اولدیفندن یتنک ایچنده دیکلمش اولان کیسه سی دخی کسوب الدقدن صکره دیکرلری اوکدن منهن حسین دخی ارقلرندن قاجرلیله بالتعقیب استمداده مبادرت واجود بکک ادملری اورالرده بولش ایشده کیسه نك معاونت ایتماسندن قناریولی ضابطه سنه اخبار کیفیت ایتدیکی وحسینده مقدما الهجنی اولوب ویرمامش ایشده بوندن دولای منازعه ایتماش اولدقلری ومرقوم قاجارکن تعقیب ایتدیکی حاله صاقلانمسندن ناشی بوله مدیغنی وکندوسندن اخذاولنان بیک طقوز بوز بش غروش ایه برده ساعتی طلب ایدر ایدوکی سوبلیدی .

مرقوم حسین واقع اولان سؤاله واستیضاح حاله قارشو مدعی شخصینک خلاف سوبلیدیکی سرده قیام وکندوسنی دوکهرک اقرار جرم ایتدیر دکلرنده نرزنده برولیس ایه برده محمد نامنده بریسی اولدیغنی وقطوبونلرک هویتلری تعیین ایدمه جکی علاوه کلام ایلدی .

(مابعدی کلجک نسخه به)

مارقنك قوه نيك اچسنی سرقت ایدیلکی ثابت اوله مدیفندن برانته

یونان دولتی تبعه سندن پاولینک سرریلکی اکلای شیهل مدیفندن برانته

شوکت افندیك دیواری هدم ایتدیکی ثابت اوله میان حسین افندیك برانته

اسماعیل افندیك مارقنك خانه سی طاشلادیغنی ثابت اوله مدیفندن برانته

ایلیانك اولغنی ضرب ایدیلکی اکلایله مدیفندن برانته

طودورینك مانیونك اموالنه ابراث خسار ایدیلکی اکلایله مدیفندن برانته

یمانینك مصطفائی ضرب وجرح ایدیلکی ثابت اوله مدیفندن برانته

هایمک سیناغونك جاملرینی قیردینی اکلایله مدیفندن برانته

انکلتزه دولتی تبعه سندن پتونک آبی ضرب ایدیلکی ثابت اوله مدیفندن برانته

صوتراکیه اطاله لسان ایدیلکی اکلایله میان انسطاشینك برانته

جیل بکی ضرب ایدیلکی ثابت اولان حسنک ایکی آی حسنه وایکی ایرا الهرق مومی ایه جیل بکه اعطاسنه

کر قورک کنجه سی شکست ایدن میخالدن اون بشلک جزای نقدی آلمسنه وکنجه بدلی اوله رق تقدیر ایدیلان سکسان غروشک تحسینله

تحسینه اطاله لسان ایدن عاکفدن یارم ایرا جزای نقدی آلمسنه

طودورینك خلاف ممنوعیت سلاح طاشیدینی ثابت اولدیفندن بش بشلک جزای نقدی اخذینه

یونس ضرب ایدن بحرینك برهفته حسنه عثمانک خلاف تنیه سلاح طاشیدینی ثابت اولدیفندن بش بشلک جزای نقدی اخذینه

انکلتزه دولتی تبعه سندن وینچجو ایه والده سی قترینه نك اجرای وظیفه حالنده بولیس ماموری علی رضا افندی به حقارت ایتدکلری ثابت اولدیفندن مرقوماندن درت ایرا جزای نقدی آلمسنه

عربیه جی اسپرونک بولیس ماموری سیدافندی نی اجرای وظیفه حالنده ضرب وتحقیق ایدیلکی اصولاً ثابت اولدیفندن آتی آی اون کون حسنه کورکی قیوسنده صندالچی هاشم ایه ترزی رفتک یکدیگری ضرب وجرح ایتدکلری اکلای شلیدیفندن بر هفته حبسلرینه

حرقلیانک اموال منقوله سنه ابراث خسار ایدن قیل بروننده ساکنه ایتیک ایکی کون حسنه والی بشلک جزای نقدی آلمسنه

فلیب قسطنی ودمیترینک روقوسی ضرب وجرح ایتدکلری ثابت اولدیفندن بر هفته حبسلرینه

یعقوبک امینه خاتمک اچسنی سرقت ایدیلکی ثابت اولدیفندن درت آی حسنه

سلامونک طباقلری سرقة تصدی ایدن طناشک اوج آی حسنه

نیقولینک بدری بورکینک جاملرینی قیردینی ثابت اولدیفندن اون بشلک جزای نقدی آلمسنه

قرهجه اوغل پتونک مطبعه سنده طبع ایتدیکی اعلان ورقه سی نرزنده مطبعه سنك اسم وزقاق ونومروسی بیان ایتدیکندن ناشی بش آتون جزای نقدی آلمسنه

علی بکک قره قو افندی نی ضرب وتحقیق ایدیلکی ثابت اولدیفندن ایکی ایرا الهرق مضروب اعطاسنه

مال مسروق بیله رک اخذ ایدن قاسم باشاده ساکن لبلیجی مصطفانک برهفته حسنه

رسول ودیکررسولک ابوب افندی ایه برابر درویشی جرح وضرب ایتدکلری ثابت اولدیفندن اوز کون حبسلرینه

ماتیونک میخال واری به اطاله لسان ایدیلکی ثابت اولدیفندن برلیرا جزای نقدی آلمسنه

اسکدارده اونچیلر زقاعنده ساکن کاملک مغایر آداب حرکانده بولندینی ثابت اولدیفندن برهفته حسنه

وانکلك دیمترینک اچسنی دولاندیردینی ثابت اولدیفندن اوج آی حسنه ویرلیرا جزای نقدی آلمسنه

درسمادت ، بك اوغلی واسکدار بدایت محکملری جزا دأره لرجه قرار ویرلشدر .

محاکمات ابتدائیه

اراج قضای بدایت محکمه سی اعضای سابقه سندن مستنطق عیاده افندیك مذکور اعضاقلده بولندینی صرمده فضله خرج راه المی صورتیه وظیفه ماموریتی سوءاستعمال ایدیلکی طرزون وقسطمونی ولایتلری عدلیه مفتشکلکندن وارد اولان اوراق تحقیقه مندرجانندن اکلایدینی جهته اجرای محاکمه سنه عدلیه نظارت جلیله سندن مأذونیت ویرلهرک اولوجهل محله تبلیغات مقتضیه ایا ایدلشدر .

اعلانات

درسمادت استیفاف مدعی عمومی کلنسنه :

مردمخانی جرح وقتل ایدلکلری ادعاسیله مظنون علیهمان اولوب غیر موقوف بولنان بلاطده محکمه آتنده محمد بکک خانه سنده ساکن قایمچی اورته بولی ، قرال صاج وقاشلی ، سیودی آلیلی ، الا کوزلی ، بیوکرون واغزلی ، آرجچیک بوزوغی بوزلی اوتوز سکر باشنده اورام ولد سبتایک اصول محاکات جزائییه قانوننك مواد مخصوصه سی احکامنه توفیقاً موقوف بولنان رفیق نسیم ایه برلکده

جنایت محکمه سنده محاکم لری اجرا قلنق اوزره قانون جزانک یوز یتش بشنچی ماده سنده توفیقاً جنایتله اتهامه قرار ویرلنکندن متهم مرقومک هر زرده کوریلورسه طوطیلوب محکمه مذ کوره توقیفخانه سنده تسلیمی لازم کله چکی باجمله ضابطه عدلیه مأمورلرینک معلومی اولق اوزره اشبو اخذوگرفت مذ کوره سی درسمعدت هیئت اتهامیه سندن بالتظلم اعطا قلندی .

برنجی محکمه تجارتیه :

تبعه دولت علیه دن بك اوغلنده کوچك پارق قبوده بلا نومرو خانك اوچنچی آپارتماننده ساكن قومیسونیجی جبرائیل قوچك اولجه غلطه ده قانطو خاننده اقامت ایتمکده ایکن الیوم اداره خانه سی ایله اعضاسی اقامتگاهلرینک مجهول ایدوکی خبر ویریلان سوریه عثمانی شمندوفر قومپانیه سی علیه برقطعه مکتوب موجبجه تعهدایدیلان اجرت بدلدن مطلوبی اولان اوچبیک یکریمی بش عدد لیرای عثمانینک تحصیلی وحمز موضوعک تصدیقی خصوص صلیینه دائر محکمه تجارت برنجی مجلسنده اقامه ایلدیکی دعوانک اکل روثی ایچون اشبو اوچوز یکریمی ایکی سنه سی تموزینک یکریمی یدنجی پنجشنبه کونی تعیین ایدلمش اولدیغندن مذ کور شمندوفر قومپانیه سی طرفندن یوم مذ کورده ساعت الی راده لرنده صلاحیتدار اولان بر شخصک محکمه مزبورده حاضر بولنسی ویاخود مصدق سندله بر وکیل کوندرلمسی لازمکله چکی وشاید کلز ویا وکیل کوندرلمز ایسه دیگر طرفک وقوعبوله جق طلبی اوزرینه مذ کور قومپانیه حقنده معامله غیایه اجرا قلنه جنی معلوم اولق اوزره تنظیم اولنسان دعوتیه ورقه سی اصول محاکمه تجارت نظامنامه سنک یکرمنجی ماده سنک دردنجی فقره سنده توفیقاً علی الاصول محکمه نك دیوانخانه سنده تعلیق قلندیکی کبی اوراق حوادث واسطه سیله دخی اعلان اولنور .

اقامه ایلدیکی دعوانک اکل روثی ایچون اشبو اوچوز یکریمی ایکی سنه سی تموزینک یکریمی یدنجی پنجشنبه کونی تعیین قلنمش اولدیغندن مذ کور شمندوفر قومپانیه سی طرفندن یوم مذ کورده ساعت الی راده لرنده صلاحیتدار اولان بر شخصک محکمه مزبورده حاضر بولنسی ویاخود مصدق سندله بر وکیل کوندرلمسی لازمکله چکی وشاید کلز ویا وکیل کوندرلمز ایسه دیگر طرفک وقوعبوله جق طلبی اوزرینه مذ کور قومپانیه حقنده معامله غیایه اجرا قلنه جنی معلوم اولق اوزره تنظیم اولنسان دعوتیه ورقه سی اصول محاکمه تجارت نظامنامه سنک یکرمنجی ماده سنک دردنجی فقره سنده توفیقاً علی الاصول محکمه نك دیوانخانه سنده تعلیق قلندیکی کبی اوراق حوادث واسطه سیله دخی اعلان اولنور .

تجارت بحریه محکمه سنده :

بك اوغلنده پاپاس کورپسند اسقوردالیا محله سنده بقال دکاننده ساكن ایکن تجارت بحریه محکمه سندن افلاسنه حکم اولنش اولان یورکی ملیانیدیسک خصوصات افلاسیه سنک رؤیت وتسویه سی ضمنتیه دعوی وکیلی مهران کورپه یان وطودوراک افندیل اصالة سنديک تعیین قلنمش اولدقلرندن مفلس مرقوم ذمتنده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون طرفنده سنداتی محکمه کاتبه تسلیم ایللری ومدت مذ کوره ختامندن صکره اوچ کونده یعنی ۳۲۲ سنه سی مایسنک برنجی بازار ایتسی ایکنجی صالی و اوچنچی چهارشنبه کونلری تجارت بحریه محکمه سنک مصالح افلاسیه رؤیتیه مخصوص اوطه سنه کلهرک سنديک افندیل مواجهه سنده آله جقلری اثبات وقید وتصدیق ایتدیرملری ومدت مذ کوره اثبات وجود ایدیه میان آله جقلولر حقنده توفیقاً ایفای معامله اولنه جنی اعلان اولنور .

ایکنجی تجارت محکمه سنده :

درسمعدتده چاققجیلر بقوشنده بیوک یکی خانده ساكن ایکن ایکنجی محکمه تجارتدن افلاسنه حکم اولنش اولان مانیقاپوره جی پ . و . س . مردیکیان برادرلر ذمتنده آله جقی اثبات ویا موقتاً قبول وقید ایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قوتقورداتونک مذاکره سی ایچون ۱۵ نیشان سنه ۳۲۲ جمعی ایتسی کونی محکمه

مذ کوره نك مصالح افلاسیه رؤیتیه مخصوص اوطه سنه کللری اعلان اولنور .

ارکلی بدایت محکمه سی تجارت قسمنده :

ارکلی قصبه سنک رومیان محله سنده مانیقاپورا تجارتیه مشغول ایکن ارکلی بدایت محکمه سی تجارت قسمندن افلاسنه حکم اولنش اولان تبعه دولت علیه دن یودا ویاسف برادرلرک خصوصات افلاسیه سنک رؤیت و تسویه سی ضمنتیه تجارتدن احمد افندی ایله استیلیانوس یورکیادیس کریاقو افندیلر اصالة سنديک تعیین قلنمش اولدیغندن مفلس مرقومان ذمتنده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون طرفنده سنداتی محکمه کاتبه تسلیم ایللری ومدت مذ کوره ختامندن صکره اوچ کونده محکمه مذ کوره نك مصالح افلاسیه رؤیتیه مخصوص اوطه سنه کلهرک سنديک افندیلر مواجهه سنده آله جقلری اثبات وقید وتصدیق ایتدیرملری ومدت مذ کوره اثبات وجود ایدیه میان آله جقلولر حقنده دخی قانون مذ کورک ۲۱۰ نجی ماده سنده توفیقاً ایفای معامله اولنه جنی اعلان اولنور .

اهلومات شرعیه اجرا دایره سنده :

متوفاة وسیله خانمک تقود موقوفه سی متوالیسی فتوی امینی سماحتلو حاجی محمد نوری افندی حضرتلرینک سرکه جی اصنافی کتخداسی متوفی انانیاولد انسطاش ذمتنده قسمت عسکریه محکمه سندن اعطا قلنمش اولان برقطعه مقتضا اعلامی موجبجه الا جقلری اولان مبالغ معلومه نك تأمین استیفا سی ضمنتیه مدیون متوفانک عهده سنده اولوب اشبودی مقابلنده مرهون وفروختی محکوم بولنان قاسم پاشاده جامع کیر محله سنده یکی جاده ده واقع مکرر برنومرو ایله مرقم بر باب وقف بربر دکانی دروننده موجود بین الاصناف بربر کدکی تعمیر اولنور وقف الات لازمه معلومه نك نصف حصه شایه سنک اشبو تاریخ اعلاندن اعتباراً اون بش کون صکره بالمزایده فروخته تشبث اولنه جقندن طالب اولوب پی سورمک ودها زیاده معلومات المقتیانلرک مدت مذ کوره ختامندن صکره درسمعدت اعلامات شرعیه اجرا دائره سنده مراجعت ایللری اعلان اولنور .